


唐詩類苑



唐詩類苑第七十七卷

仁和卓明卿澂父編輯

華亭張之象玄超

長洲毛文蔚豹孫同校

儒部

秀才

高適酬裴秀才一首

男兒貴得意何必相知早
飄蕩與物永蹉跎覺年老
長卿無產業季子慙妻嫂
此事難重陳未於衆人道
李白荅杜秀才五松見贈一首

昔獻長楊賦天開雲雨歎當時待詔承明裏皆道楊
雄才可觀勅賜飛龍天厩馬黃金絡頭白玉鞍浮雲
蔽日去不返總爲秋風摧紫蘭角巾東出商山道採
秀行歌詠芝草路逢園綺笑向人兩君解耒一何好
聞道金陵龍虎盤還同謝眺望長安千峯夾水向秋
浦五松名山當夜寒銅井炎歎逼九天赫如鑄鼎荆
山前陶公矍鑠呵赤雷回祿睢盱揚紫烟此中豈是
久留處便欲燒丹從列仙愛聽松風且高卧颼颼吹
盡炎氛過登高獨立望九州陽春歎奏誰相和聞君
往年遊錦城章仇尚書倒屣迎飛牋絡繹奏明主天

書降問迴恩榮骭髀不能就珪組至今空揚高蹈名
夫子工文絕世奇五松新作天下推吾非謝尚邀彥
伯異代風流各一時一時相逢樂在今袖拂白雲開
素琴彈爲三峽流泉音從茲一別武陵去去後桃花
春水深

李白金門答蘇秀才一首

君還石門日朱火始改木春草如有情山中尚含綠
折芳愧遙憶永路當自勗遠見故人心平生以此足
巨海納百川麟閣多才賢獻書入金闕酌醴奉瓊筵
屢忝白雲唱恭聞黃篇竹恩光煦拙薄雲漢希騰遷

唐詩卷之二十七
銘鼎儻云遂扁舟方渺然我留在金門君去卧丹壑
未果三山期遙欣一丘樂棲宮君寂滅處世余龍螭
良辰不同賞永日應閑居鳥鳴簷間樹花落窓下書
綠溪見綠蓀隔岫窺紅葉採薇行笑歌眷我情何已
月出石鏡間松鳴風琴裡得心自虛妙外物空頽靡
身世如兩忘從君老烟水

高適送蹇秀才赴臨洮一首

悵望日千里如何今二毛猶思陽谷去莫厭隴山高
倚馬見雄筆隨身唯寶刀料君終自致勲業在臨洮
岑參闕鄉送上官秀才歸關西別業一首

風塵柰汝何終日獨波七親老無官養家貧在外多
醉眠輕白髮春夢渡黃河相去關城近何時更肯過

王維送嚴秀才還蜀一首

寧親爲令子似舅即賢甥別路經花縣還鄉入錦城
山臨青塞斷江向白雲平獻賦何時至明君憶長卿
王維送孫秀才一首

帝城風日好况復建平家王枕雙紋簟金盤五色瓜
山中無魯酒松下飯胡麻莫厭田家苦歸期遠復賒
李白同吳王送杜秀才芝舉入京一首

秀才何翩翩王許回也賢暫別廬江守拚遊京兆天

秋山宜落日秀木出寒烟欵折一枝桂還未鴈沼前

李白贈易秀才一首

少年解長劍投贈即分離何不斷犀象精光暗往時
蹉跎君自惜竄逐我因誰地遠虞翔老秋深宋玉悲
窓摧芳桂色不屈古松姿感激平生意勞歌寄此詞

文學

杜甫送頌八七文學適洪吉州一首

中郎石經後八分蓋憔悴顧侯運鑪錘筆力破餘地
昔在開元中韓蔡同巖巖玄宗妙其書是以數子至
御札早流傳揄揚非造次三人並八直恩澤各不二

願於韓蔡內辨眼工小字分日示諸王鈞深法更秘

文學與我遊蕭疎外聲利追隨二十載浩蕩長安醉

高歌卿相宅文翰飛省寺視我楊馬間白首不相弃

驂駟入窮巷必脫黃金轡一論朋友難遲暮敢失墜

古來事反覆相見橫涕泗嚮者王珂人誰是青雲器

才盡傷形體病渴汗官位故舊獨依然危特話顛躓

我耳多病老子負憂世志胡馬困衣食顏色少稱遂

遠作苦辛行順從衆多意舟楫無根帶蛟蠹好為崇

况蕪水賊繁特戒風颭駛崩騰戎馬際往往殺長吏

子干東諸侯勤勉防縱恣邦以民為本魚飢費香餌

唐詩類苑 卷之七 七儒部 四 崧齋閣本
請哀瘡痍深告訴皇華使使臣精所擇進德知歷試
惻隱誅求情固應賢愚異烈士恐苟得峻傑思自致
贈子猛虎行出如載酸鼻

孝廉

高適送桂陽孝廉一首

桂陽少年西入秦數經甲科猶白身卽今江海一歸
客他日雲霄萬里人

李白送王孝廉覲省一首

彭蠡將天合姑蘇在日邊寧親候海色欲動孝廉船
窈窕晴江轉參差遠岫連相思無晝夜東泣似長川

明經

孟浩然送張參明經舉覲省一首

十五彩衣年承歡戀母前孝廉因歲貢懷橘向秦川
四座推文舉中郎許仲宣泛舟江上別誰不仰神仙
盧象贈廣川馬先生一首

經書滿腹中吾識廣川翁年老耳無位家貧懶擊蒙
人歸洙泗學歌盛舞雩風願接諸生禮三年事馬融
赴舉

岑參送韓巽人却覲省便赴舉一首

槐葉蒼七柳葉黃秋高八月天欲霜青門百壺送韓

唐詩類苑 卷之七十一 七律 五 楊齋題本
侯白雲千里連嵩丘北堂倚門望君憶東歸扇枕後
秋色洛陽才子能幾人明年桂枝是君得

孟浩然送子容進士舉一首

夕曛山照滅送客出柴門惆悵野中別殷勤醉後言
茂陵余偃息喬木爾飛翻無使谷風誚須令友道存
孟浩然送下大鳳進士舉一首

吾觀鷓鴣賦君負王佐才惜無金張援十上空歸來
弃置鄉園老翺飛羽翼摧故人今在位岐路莫遲迴

李白魯中二從弟赴舉之西京一首

魯客向西笑君門若夢中霜凋逐臣髮日憶光明宮

復羨二龍去才華冠世雄平衢騁高足逸翰凌長風
舞袖拂秋月歌筵聞早鴻送君日千里良會何由同

落第

盧僎途中口號一首

抱玉三朝楚懷書十上秦年七洛陽陌花鳥弄歸人
常建落第長安一首

家園好在尚留秦耻作明時失路人恐逢故國鶯花
咲且向長安度一春

豆盧沒落第歸鄉留別長安主人一首

客裡愁多不記春聞鶯始轉柳條新年上下第東歸

尖羞見長安舊主人

薛據落第後口號一首

十五能文西入秦三十無家作路人時命不將明主
合布衣空惹洛陽塵

陳子昂落第西蜀別劉酒高明府一首

別館分周國歸驂八漢京地連函谷塞川接廣陽城
望迴樓臺出途遙烟霧生莫言長落羽貧賤一交情

岑參送魏四落第還鄉一首

東歸不稱意客舍戴勝鳴臆酒飲未盡春衫縫已成
長安柳枝春欲未洛陽梨花在前開魏侯池館今尚

在猶有太師歌舞臺君家盛德豈徒然時人注意在
吾賢莫令別後無佳句祇向壚頭空醉眠

孟浩然送從弟下第後歸會稽一首

疾風吹征帆倏爾向空没千里去俄頃三江坐超忽
偶來共懽悞日夕成楚越落羽更分飛誰能不驚骨

李白送于十八應四子舉落第還嵩山一首

吾祖吹橐籥天人信森羅歸根復太素羣動熙元和
突七四真人摛辨若濤波交流無時寂揚墨日成科

夫子聞洛誦誇才才故多為金好踊躍久客方蹉跎
道可束賣之五寶溢山河勸君還嵩丘開酌盼庭柯

三花如未落乘興一來過

綦毋潛送章彝下第一首

長安渭橋路行客別時心獻賦溫泉畢無媒魏闕深
黃鶯啼就馬白日暗歸林三十名未立君還惜寸陰

王維送丘為落第歸江東一首

憐君不得意况復柳條春為客黃金盡還家白髮新
五湖三畝宅萬里一歸人知爾不能薦羞為獻納臣

岑參送嚴維下第還江東一首

勿歎今不第似君殊未遲且歸滄州去相送青門時
望鳥指鄉遠問人愁路疑弊裘沾暮雪歸棹帶流澌

嚴子灘復在謝公文可追江臯如有信莫不寄新詩

岑參送孟孺卿落第歸濟湯一首

獻賦頭欵白還家衣已穿羞過灞陵樹歸種汶湯田
客舍少鄉信床頭無酒錢聖朝徒側席濟上獨遺賢

岑參送周子落第遊荆南一首

足下復不第家貧尋故人且傾湘南酒羞對關西城
山居橘花發江城楓葉新若從巫峽過應見楚王神

岑參送胡象落第歸王屋別業一首

看君尚少年不第莫悽然可卽被獻賦山村歸種田
野花迎短褐河柳拂長鞭置酒聊相送青門一醉眠

岑參送杜佐下第歸陸渾別業一首

正月今欲半陸渾花未開出關見青草春色正東未
夫子且歸去明時方愛才還須及秋賦莫即隱蒿萊

蕭穎士送張暈下第歸江東一首

俱飛仍失路綵服邇清波地擅東南美名遺甲乙科
客愁千里別春色五湖多明日舊山去其如相望何

擢第

岑參送魏升卿擢第歸東都因懷魏校書陸

渾喬潭一首

井上梧桐雨灑亭卷秋風故人適戰勝匹馬歸山東

問君今年三十幾能使香名滿人耳君不見三峯直
上五年仍見君文章亦好此如君兄弟天下稀雄詞
健筆皆若飛將軍金印綰紫綬御史鈇冠重繡衣喬
生作尉別未久因君爲問平安否魏侯校理復何如
前日人來不得書陸渾山水皆可賞蓬閣閑時日應
往自料青雲未有期誰知白髮偏能長壚頭青絲白
玉瓶別時相顧酒如傾搖鞭舉袂忽不見千樹萬樹
空蟬鳴

岑參送許子擢第歸江寧拜親因寄王大昌

齡一首

建業控京口金陵欵滄溟君家臨秦淮傍對石頭城
十年自勤學一鼓遊上京青春登甲科動地聞香名
解榻皆五侯結交盡群英六月槐花飛忽思尊菜羹
跨馬出國門丹陽返柴荆楚雲引歸帆泔水浮客程
到家拜親時入門有光榮鄉人盡來賀置酒相邀迎
閒眺北顧樓醉眠湖上亭月從海門出照見茅山青
昔爲帝王州今幸天下平五朝變人世千戴空江聲
玄元告靈符丹洞獲其銘皇帝受玉冊羣臣羅天廷
喜氣溥太陽祥光徹窅冥奔走朝萬國崩騰集百靈
玉兄尚謫宦屢見秋雲生孤城帶後湖心與湖水清
一縣無諍詞有時開道徑黃鶴垂兩翅徘徊但悲鳴
相思不可見空望牛如星

岑參送薛播擢第歸河東一首

歸去新戰勝盛名人共聞鄉連渭川樹家近條山雲
夫子能好學聖縣全用文弟兄負世譽詞賦超人群
雨氣醒別酒城陰低暮曛遙知出關後更有一終軍
岑參送蒲秀才擢第歸蜀一首

去馬疾如飛看君戰勝歸新登郗詵第更着老萊衣
漢水行人少巴山客舍稀向南風候暖膈月見光輝
岑參送薛彥偉擢第東都一首

唐詩類苑卷之七十七 儒部
時輩似君稀青春戰勝歸名登郗詵第身耆老萊衣
稱意人皆羨還家馬若飛一枝誰不拆棣萼獨相輝

岑參送嚴訢第歸蜀一首

巴江秋月新閣道發征輪戰勝真才子名高動世人
工文能似貴樨第去榮親十月天官待應須早赴秦

唐詩類苑第十七卷終

唐詩類苑第七十八卷

仁和卓明卿澂父編輯

華亭張之象玄超

長洲毛文蔚豹孫同校

釋部

僧

李白贈僧朝美一首

水客凌洪波長鯨湧溟海百川隨龍舟噓噏竟安在
中有不死者探得明月珠高價領宇宙餘輝照江湖
苞卷金縷褐蕭然若空無誰人識此寶竊笑有狂夫

了心何言說各勉黃金軀

李白贈僧行融一首

梁有湯惠休常從鮑照遊峨眉史懷一獨映陳公出
卓絕二道人結交鳳與麟行融亦俊發吾知有英骨
海若不隱珠鸚龍吐明月大海乘虛舟隨波任安流
賦詩旃檀閣縱酒鸚鵡洲待我適東越相携上白樓

顏真卿贈僧皎然詩一首

秋意西山多別岑縈左次繕亭歷二癸趾趾鄰什寺
元化隱灵縱始君啓高致誅榛養翹楚鞭草理芳穗
俯砌披水空逼天掃峯翠境新耳目換物遠風塵異

倚石忘世情援雲得直意嘉林幸勿剪禪侶欣可疵
衛法大臣過佐游羣英萃龍池護清澈虎節到深邃
徒想曠頂期于今沒遺記兄

杜甫贈蜀僧問丘師兄一首

大師銅梁秀籍籍名家孫嗚呼先博士炳灵精氣奔
惟昔武王后臨軒御乾坤多士盡儒冠墨客藹雲屯
當年上紫殿不獨卿相尊世傳問丘筆峻極逾崑崙
鳳藏丹霄暮龍去白水渾青熒雪領東碑碣舊製存
斯文散都邑高價越瓊璠晚看作者意妙絕與誰論
吾祖詩冠古同年蒙主恩豫章夾日月歲久空深根

小子思踈闊豈能達詞門窮秋一揮淚相遇即都昆
我在錦宮城兄居祗樹園地近慰旅愁往來當丘樊
天涯歇滯雲稜稻卧不翻漂然薄遊倦始與道旅敦
景晏步脩廊而無車馬喧夜來接款語落月如金盆
漠漠世界墨驅驅爭奪繁唯有摩尼珠不照濁水源

王維寄崇梵僧一首

崇梵僧崇梵僧秋歸覆釜春不還落花啼鳥紛紛亂
澗戶山窻寂寂閑峽裏誰知有人事郡中遙望空雲
山

岑參太白胡僧歌一首○并序

太白中峰絕頂有胡僧不知幾百歲眉長數寸
身不製繒帛衣以草葉恒持楞伽經雲壁迥絕
人迹罕至嘗東峰有鬪虎弱者將死僧杖而解
之西湫有毒龍久而為患僧噐而貯之商山趙
叟前年採茯苓深入太白偶值此僧訪我而說
予恒有獨徃之意聞而悅之乃為歌曰

聞有胡僧在太白蘭若去天三百尺一持楞伽入中
峰世人難見但聞鐘窓邊錫杖解而虎床下鉢盂藏
一龍草衣不針復不線兩耳垂肩眉覆面此僧年幾
那得知手種青松今十圍心將流水同清靜身與浮

唐詩卷之十一 釋音 三 崧齋周本
雲無是非商山老人已曾識願一見之何由得山中
有僧人不識城裏看山空黛色

李白僧伽歌一首

真作法號號僧伽有時與我論三車問言誦呪幾千
遍口道恒河沙復沙此僧本住南天竺為法頭陀來
此國戒得長天秋月明心如世上青蓮色意清淨貌
稜稜亦不減亦不增瓶裡千年舍利滑手中萬歲胡
孫藤嗟予落魄江湖久罕遇真僧說空有一言懺盡
波羅天再禮渾除犯輕垢

李白別東林寺僧一首

東林送客處月出白猿啼咲別廬山遠何煩過虎溪

李白舍利佛一首

金繩界寶地瓊木蔭瑤池雲間妙音奏天際法蟲吹

張謂送僧一首

童子學修道誦經求出家手持貝多葉心念優曇花
得度北川近隨緣東路賒一身求清淨百毳納袈裟
鐘磬更飛錫爐峰明結伽深心大海水廣願恒河沙
此云不堪別彼行安可涯殷勤結香火來世上牛車

李白別山僧一首

何處名僧到水西乘舟弄月宿涇溪平明別我上山

去手携金策踏雲梯騰身轉覺三天近舉足回看萬
嶺低飄浪首居支遁下風流還與遠公齊此度別離
何日見相思一夜暝猿啼

張說別平一師一首

王子不事俗高駕眇難追茅土非有盼傾城無樂資
宴坐深林中三世同一時皎皎獨住心不爲塵網欺
竭來已復去今去何來思迴首謝同行動會安請斯

孟浩然還山怡湛法師一首

幻聞無生理常欬觀此身心迹罕兼遂崎嶇多在塵
晚途歸舊壑偶與支公隣喜得林下契共推席上珍

念尔泛苦海方便是迷津煩惱業頓捨山林情轉殷
朝來問疑義夕話得清真墨妙稱古絕辭華驚世人
禪房閉虛靜花藥連冬春平石籍琴視落泉洒衣巾
欲知溟滅意朝夕海鷗馴

孫逖送新羅法師還國一首

異域今無外高僧世所稀苦心窮寂滅宴坐得精微
持鉢回年至傳灯是日歸上卿揮別藻中禁下禪衣
海濶杯還度雲遙錫更飛此行迷處所何以慰虔祈

王維燕子龕禪師一首

山中燕子龕路劇羊腸惡裂地競盤屈插天多峭嶮

瀑泉吼而噴，怪石看欲落。伯禹訪未知，五丁愁不鑿。
上人無生緣，生長居紫閣。六時自槌磬，一飲尚帶索。
種田燒白雲，斫膝響丹壑。行隨拾栗猿，歸對巢松鶴。
時許山神請，偶逢洞僊博。救世多慈悲，即心無行作。
周商倦積阻，蜀物多淹泊。岩腹乍旁穿，澗唇時外拓。
橋凶倒樹架，柵值垂藤縛。鳥道悉已平，龍宮爲之涸。
跳波誰揭厲，絕壁免捫摸。山本日陰陰，結跏歸舊林。
一向石門裡，任君春草深。

王維夏日過青龍寺謁操禪師一首

龍鐘一老翁，徐步謁禪宮。欲問義心義，遙知空是空。

山河天眼裏，世界法身中。莫怪銷炎熱，能生天地風。

裴迪夏日過青龍寺謁操禪師一首

安禪一室內，左右竹亭幽。有法知不染，無言誰敢酬。
鳥飛爭向夕，蟬噪已先秋。煩暑自茲適，清涼何所求。

李白送通禪師還南陵隱靜寺一首

我聞隱靜寺，山水多奇縱。巖種朗公橋，門浮杯渡松。
道人制猛虎，振錫還孤峰。他日南陵下，相期谷口逢。

杜甫謁真諦寺禪師一首

蘭若山高處，烟霞障幾重。凍泉依細石，晴雪落長松。
問法看詩妄，觀身向酒慵。未能割妻子，卜宅近前峯。

盧照鄰赤谷安禪師一首

獨坐岩之曲悠然無俗紛酌酒呈丹桂思詩贈白雲
烟霞朝晚聚猿鳥歲時聞水華競秋色山翠含夕曛
高談十二部細覈五千文如如數冥昧生生理氤氳
古人有糟粕輪扁情未分且當事芝朮從吾所好云
王維謁璿上人一首○并序

止人外人內天不定不亂捨法而淵泊無心而
雲動色空無得不物物也嘿語無際不言言也
故吾徒得神交焉玄關大啓德海群泳時雨旣
降春物具美序於詩者人百其言

少年不足言識道年已長事往安可悔餘生幸能養
誓從斷臂血不復嬰世網浮名寄瓔珞空性無羈鞅
夙承大導師焚香此瞻仰頽然居一室覆載紛萬象
高柳早鶯啼長廊春雨響牀下阮家屐窓外筇竹村
方將見身雲陋彼示天壤一心在法要願以無生獎
岑參上嘉州青衣山中峯題惠淨上人困居
寄兵部楊郎中一首○并序

青衣之山在大江之中屹然迴絕崖壁倉峭周
廣七里長波四匝有惠淨上人廬于其巔唯緝
牀竹杖而已恒持蓮花經十年不下山予自公

浮舟聊一盃跳友人夏官弘農揚侯清談之士
也素工爲文獨立于世與予有外方之約每多
獨往之意今者幽躅勝槩歎不得於此公俱爰
命小吏刮磨石壁以識其事乃詩以達揚友耳
青衣誰開鑿獨在水中央浮舟一躋攀側徑沼穹蒼
絕頂訪老僧豁然盃上方諸嶺一何小三江茫茫
蘭若向西開峨眉正相當猿鳥樂鍾磬松蘿泛天香
江雲入袈裟山月吐繩床早知清淨理又矣機心忘
尚以名宦拘聿來夷獫狝吾友不可見鬱爲尚書郎
早歲愛丹經留心向青囊渺渺雲智遠幽上
海懷長

勝賞欲與俱引領遙相望爲政愧無術分憂幸時康
君子滿天朝老夫憶滄浪况值廬山遠抽簪歸法王
岑參送青龍招提歸一上人遠遊吳楚別詩

一首

久交應真侶最歎青龍僧弃官向二年削髮歸一乘
了然瑩心身潔念柴空寂名香泛窓戶幽磬清曉夕
往年仗一劍由是佐二庭於焉久從戎蕪復解淪兵
世人猶未知天子願相見朝從青蓮宇暮入白虎殿
宮女擎錫杖御筵出香爐說法開藏經論邊窮陣面
忘機壓塵喧浪迹向江海思師石可訪惠遠峰猶在

唐言卷之七十八釋音
今日飛錫去何時持鉢還湖烟冷吳門淮月銜楚山
一身如浮雲萬里過江水相思眇天外南望無家已

崔顥贈懷一上人一首

法師東南秀世實豪家子削髮十二年誦經峨眉裡
自此照群蒙卓然爲道雄觀生盡入妄悟有皆成空
淨體無衆染苦心歸妙宗一朝勅書至召入承明宮
說法金殿裡焚香清禁中傳灯遍都邑杖錫遊王公
天子揖妙道群寮趨下風我法本無着時來出林壑
因心得化成隨病皆與藥上啓黃屋心下除蒼牛縛
一從入君門說法無朝昏帝作轉輪王師爲持戒尊

軒風洒甘露佛雨生慈根但有滅度理而生開濟恩
復聞江海曲好殺成風俗帝曰我上人爲除膻腥歆
是日發西秦東南至蘄春風將衡桂接地與吳楚鄰
舊少清信士實多魚獵人一聞吾師至捨網江湖濱
作禮懺前惡潔誠期後因因成日既久事濟身不守
更出淮楚間復來荆河口荆河馬卿存茲地近道林
入講鳥常狎坐禪獸不侵都非緣未盡曾是教所任
故我一來事未承微妙音竹房見衣鉢松宇清身心
早悔業至淺晚成計可尋善哉遠公義清淨如黃金

杜甫寄贊上人一首

一昨陪錫杖卜林南山幽年侵腰脚衰未便陰崖秋
重岡北面起竟日陽光留茅屋買蕪土斯焉身所求
近聞西枝西有谷杉叅稠亭午頗和暖石田又足收
當期寒雨乾宿昔齒疾瘳徘徊虎穴上面勢龍泓頭
柴荆具茶茗逕路通林丘與子成二老來往亦風流

杜甫別贊上人一首

百川日東流客去亦不息我生頗漂蕩何時有終極
贊公釋門老放逐來上國還爲世塵嬰頗帶憔悴色
楊枝晨在手豆子雨已熟是身如浮雲安可限南北
異縣逢舊友初欣爲曾臆天長閑塞寒歲暮飢凍逼

野風吹征衣欲別向曛黑馬嘶思故櫪歸鳥盡斂翼
古來聚散地宿昔長荆棘相看俱衰年出處各努力

岑參偃師東與韓樽同詣景雲揮上人即事

一首

山陰老僧解楞伽穎陽歸客遠相過烟深草濕昨夜
雨雨後秋風渡漕河空山終日塵事少平郊遠見行
人少尚書磧上黃昏鐘別駕渡頭一歸鳥

宋之問湖中別鑒上人一首

願與道林近在意逍遙篇自有靈佳寺何用沃洲禪
願直卿五言使過瑤臺寺有懷圓寂上人一首

首○并序

真卿昔以天寶元年尉醴泉函過瑤臺寺圓寂
上八院秩滿遷監察御史巡覆諸陵而上人已
離此寺大曆十三年春二月以刑部尚書謁拜
昭陵慨然有懷其詞曰

上人居此寺不出三十年
靈法盡無染一心唯趣禪
忽行塵外軫遠訪世間緣
及爾不復與支提猶岌然

沈佺期九真山靜居寺謁無碍上人一首

大士生天竺分身化日南
人天出煩惱上下即伽藍
小澗香為刹危峰石作龕
候禪青鶴乳窺講白猿參

藤愛雲門壁花憐石下潭
泉行困供好林掛浴衣堪
弟子哀無識醫王惜未談
機疑間不二蒙昧即胡三
欲究因緣理聊寬放弃慙
超然虎溪夕雙樹下虛嵐
王緝贈曇壁上人一首

林中空寂舍階下終南山
高卧一床地回看六合間
浮雲幾處滅飛鳥何時還
問義天人接無心世界閑
能知大隱客兄弟自追攀

岑參寄青城龍溪奩道人一首

五岳之丈人西望青霄雲
開露崖嶠百里見石磴
龍溪盤中峰上有蓮花僧
絕頂小蘭若四時嵐氣凝

唐詩卷之七 釋部 十一
身同雲虛無心與谿清澄誦戒龍每聽賦詩人則稱
杉風吹袈裟石壁懸孤灯久欲謝微祿誓將歸大乘
願聞開士說庶以心相應

李白贈崔公一首

昔在朗陵東學禪白眉空大地了鏡徹廻旋寄輪風
攬彼造化力持爲我神通晚謁太山君親見日沒雲
中夜卧山月拂衣逃人群授余金仙道曠厥未始聞
冥機發天光獨朗謝垢氛虛舟不繫物觀化遊江濱
江濱遇同聲道崖乃僧英說法動海獄遊方化公卿
手秉玉塵尾如登白樓亭微言注百川疊疊信可聽

一風鼓羣有萬籟各自鳴啓開八窓牖託宿制電霆
自言歷天台搏壁躡翠屏凌競石橋去恍惚入青冥
昔往今未歸絕景無不經何日更携手乘杯下蓬瀛

李白贈宣州灵源寺仲濬公一首

敬亭曰雲氣秀色連蒼梧下映雙溪水如天落鏡湖
此中積龍象備許濬公殊風韻逸江左文章動海隅
觀心同水月解領得明珠今日逢支遁高談出有無

王維同崔興宗送衡岳瑗公南歸一首并序

衡岳瑗上人者常學道於五峯蔭松棲雲與虎
狼雜處得無所得矣天寶癸巳歲始遊於長安

手提瓶笠至自萬里宴居吐論緇屬高之初給
事中房公謫居宜春與上人風土相接因爲道
友伏膺往來房公擅海內盛名上人亦以此增
價秋九月杖錫南還扣門來別秦地草木撼然
已黃蒼梧白雲不日而見池陽有曹溪學者爲
我謝之

言從石菌閣新下穆陵閑獨向池陽去白雲番故山
綻衣秋日裡洗鉢古松間一施傳心法唯將戒定還

崔興宗同王右丞送瑗公南歸一首

行苦神亦秀冷然溪上松銅瓶與竹杖來自祝融峯

常願入靈嶽藏經訪遺踪南歸見長老且爲說心曾

張謂送青龍一八一首

事佛輕金印勤王度玉關不知從樹下還肯到人間
樊水青蓮淨吳門白日開聖新須助理絕莫愛東山

李白將遊衡岳過漢陽雙松亭留別族弟浮

屠談皓一首

秦欺趙氏璧却入邯鄲宮本是楚家玉還來荆山中
丹彩瀉滄溟清輝凌白虹青蠅一相點流落此時同
卓絕道門秀談玄乃支公延蘿結幽居剪竹繞芳叢
涼花拂戶牖大籟鳴虛空憶我初來時蒲萄開景風

今茲大火落秋葉黃梧桐水色夢沅湘長沙去何窮
寄書訪衡嶠但與南飛鴻

宋之問送沙門弘景道俊玄裝還荊州應制
一首

三乘歸淨域萬騎餞通裝就日離亭近弥天別路長
荆南旋杖錫河北限津梁何日紆真果還來入帝鄉
李又送沙門弘景道俊玄裝還荊州應制一

首

初日承恩旨秋風起贈言漢珠留道味江壁返真源
地出南關遠天迴北斗尊寧知一柱觀却啓四禪門

李頎光上座廊下衆山五韻一首

名嶽在廡下吾師居一牀每聞楞伽經只對清翠光
百谷聚雲色莓苔侵屋梁氣盤古壁轉勢引幽階長
願遊薜蘿下日見金爐香

經典

高適同馬太守聽九思法師講金剛經一首

吾師晉陽寶傑出山河最途經世諦問心到空王外
鳴鐘山虎伏說法天龍會了義同建瓴梵法若吹籟
深知億劫苦善喻恒沙大捨施割肌膚攀緣去親愛
招提何清淨良牧駐軒蓋露冕衆香中臨人覺苑內

唐詩卷之七十八釋音 十四
心持佛印久，捩割魔軍退。願開初地，因承奉彌天對。
岑參觀梵國寺，瑋上人爲一切經院南有曲。

池深竹一首

瑋公不出院，群水閉深居。誓寫一切經，欲向萬卷餘。
揮毫散雲鵲，研墨驚池魚。音翻四句偈，字譯五天書。
鳴鐘竹陰晚，汲水桐花初。雨氣濕衣鉢，香烟泛庭除。
此地日清淨，諸天應未如。不知將錫杖，早晚躡空虛。

張說江中講經一首

無相歸懸解，虛心暗在通。澄江明月內，應是色成空。
禮拜

王昌齡香積寺禮拜萬廻平等二聖僧塔一首

真無御北來，昔有乘花歸。如彼雙塔內，孰能知是非。
愚也駭蒼生，聖哉爲帝師。當爲時世出，不由天地資。
萬廻至此方，平等性無遺。今我一禮心，億劫同不移。
肅肅松柏下，諸天來有時。

岑參晚過盤石寺禮鄭和尚一首

暫詣高僧話，來尋野寺孤。岸花藏水碓，谿竹映風爐。
頂上巢新鵲，衣中得舊珠。談禪未得去，輟掉且踟蹰。
孟浩然臆月八日於剡縣石城寺禮拜一首

唐詩卷之七
釋
石壁開金像香山繞鉄園下生弥勒見面向一心歸
竹柏禪庭古樓臺世界稀夕嵐增氣色餘照發光輝
講席邀談柄泉堂施浴衣願承功德水從此濯塵機

閩防秋晚石門禮拜一首

輕策凌絕壁招提謁金僊舟車無遊逕崖嶠乃屬天
躑躅淹異景夷猶望新絃石門變暝色谷口生人烟
陽鴈嗷平楚秋風急寒川馳揮苦代謝浮翠誓貞堅
永歆卧冰繫息心依梵筵誓捋歷劫願無以物外牽

施香

沈佺期超隆寺施香一首

吾從釋伽久無上師涅槃探道三十載得道天南端
非勝適殊方起誼歸理難放棄乃良緣世慮不曾干
香界紫北渚花龕隱南蠻危昂堦下石演漾窻中瀾
雲蓋看木秀天空見藤盤處俗勤宴坐居貧業行壇
試將有漏軀聊作無生觀了然究諸品弥覺靜者安

談玄

李白與元丹丘方城寺談玄作一首

茫茫大夢中唯我獨先覺騰轉風火來假合作容貌
滅除昏疑盡領畧八精要澄慮觀此身因得通寂照
朗悟前後際始知金仙妙幸聞禪居人酌玉坐相召

唐詩卷之七 雜品 十六
彼我俱若喪雲山豈殊調清風生虛空明月見談笑
怡然青蓮宮未願恣遊眺

飯僧

王維飯覆釜山僧一首

晚知清淨理日與人群踈將侯遠山僧先期掃弊廬
果從雲峰裡顧我蓬蒿居籍草飯松屑焚香看道書
燃灯晝欲盡鳴磬夜方初已悟寂為樂此牛閑有餘
思歸何必深身世狃空虚

王維過盧員外宅看飯僧共題七韻一首

三賢異七賢青眼慕青蓮乞飯從香積裁衣學水田

上人飛錫杖擅越施金錢趺坐簷前日焚香竹下烟
寒空法雲地秋色淨居天身逐因緣法心過次第禪
不須愁日暮自有一灯燃

唐詩類苑第七十八卷終

唐詩類苑 卷之七十八 雜部 十七 正松齋藏本

唐詩類苑第七十九卷

仁和卓明卿澂父編輯

華亭張之象玄超

長洲毛文蔚豹孫同校

道部

僊

盧照隣懷仙引一首

若有人兮山之曲駕青虬兮乘白鹿往從之遊願心
足披磧戶訪岩軒石瀨潺湲橫石徑松蘿幕壑掩松
門下空濛而無鳥上巉岩而有猿懷飛閣度飛梁休

唐詩卷之七
余馬於幽谷掛余冠於夕陽曲復曲兮烟莊遂行復
行今天路長脩途杳其未半飛雨忽以茫也山塊軋
磴連蹇攀石壁而無據泝泥溪而不前何無情之白
日竊有限於皇天廻行遵故道通川遍流潦回首望
群峯白雪正溶也珠為闕兮玉為樓青雲蓋兮紫霜
裘天長地久時相憶千齡萬代一來遊

李白懷仙歌一首

一鶴東飛過滄海放心散漫知何在僊人浩歌望我
來應攀玉樹長相待堯舜之事不足驚自餘囂也直
可輕巨鰲莫戴三山去我欲蓬萊頂上行

張彪神僊一首

神仙可學無百歲名大約天地何蒼茫人間半哀樂
浮生亮多感善事翻為惡爭先等驅逐中路苦瘦弱
長老思養壽後生咲寂寞五穀非長年四氣乃靈藥
列子何必待吾心滿寥廓

常建宿五度溪僊人得道處一首

五度谿上花生根依兩崖二月尋片雪願宿秦人家
上見懸崖崩下見白水湍仙人彈碁處石上青蘿盤
無處求玉童翳也惟林巒前溪遇新月聊取玉琴彈

王勃遊八仙逕一首

唐詩卷之九 九道音
柰園欣八正松巖訪九山援蘿窺霞術攀桂俯雲烟
代北鸞驟至遼西鶴騎旋終希脫塵網連翼下芝田

王績學仙者一首

採藥曾城遠尋師海路賒王壺橫日月金闕斷烟霞
仙人何處在道士未還家誰知彭澤意更覓步兵邪
春釀煎松葉秋盃浸菊花相逢寧可醉定不學丹砂

宋之問王子喬一首

王子喬愛神仙七月七日上賓天白虎搖瑟鳳吹笙
乘騎雲氣喻日精喻日精長不歸遺廟今在而人非
空望山頭草七霞濕人衣

李白王真仙人祠一首

王真之仙人時往太華峰清晨鳴天鼓颯歛騰雙龍
弄電不輟手行雲本無踪幾昔入少室王母應相逢

李頎王母歌一首

武皇齊戒承華殿端拱洎史王母見霓旌照耀麒麟
車羽蓋淋漓孔雀扇手指玄梨遣帝食可以長生臨
厲縣頭上復戴九星冠總領玉童坐南面欲聞要言
今告汝帝乃焚香請此語若能鍊魄去三尸後當
我天皇所願謂侍女董雙成西嶺可奏雲和笙紅霞
白日儼不動七龍五鳳紛相迎惜哉志驕神不悅歎

馬蹄與車轍復道歌連杳將暮深宮桃李花如雪
為看青玉五枝灯蟠螭吐火光已絕

李頎果先生一首

先生谷神者甲子焉能計自說軒轅師于今幾千歲
寓遊城郭裏浪跡希夷際應物雲無心逢昔舟不繫
餐霞斷雲粒野服蕪荷製白雪淨飢膚青春養身世
韻相殊豹隱鍊骨同蟬蛻忽去不知誰偶來寧有契
二儀齊壽考六合同休懋彭聃猶嬰兒松期且微細
嘗問穆天子更憶漢皇帝親屈萬來尊將窮四海裔
車徒徧草木錦帛招談說八駿空往還三山轉虧蔽

吾君感至德玄老欣來詣受錄金殿開清齋玉堂閉
笙歌迎拜首羽帳崇嚴衛禁柳垂香爐宮花拂仙袂
祈年保祚廣致福蒼生惠何必待龍髯鼎成方取濟

李康成玉華仙子歌一首

紫陽仙子名玉華珠盤承露餌丹砂轉態凝情五雲
裏嬌顏千歲芙蓉花紫陽綵女矜无数遙見玉葉皆
掩嬖高堂初日不成妍洛渚流風徒自憐璇階霓綺
閣碧題霜羅幙仙娥桂樹長自春玉毋桃花未嘗落
上元夫人賓上清深宮寂歷厭層城解佩空憐鄭交
甫吹簫不遂許飛瓊浴七紫庭步渺七瀛臺路蘭陵

貴士謝相逢濟北書生尚迴顧滄洲傲吏愛金丹清
心迴望雲之端羽蓋霓裳一相識傳情寫念長无極
長无極永相隨攀霄歷金闕弄影下瑤池夕宿紫府
雲母帳朝餐玄圃崑崙芝不學蘭香中道絕却教青
鳥報相思

崔融和梁王衆傳張光祿是王子晉後身一
首

聞有冲天客披雲下帝畿三年上賓去千載忽來歸
昔遇浮丘伯今同丁令威中郎才貌是柱史姓名非
祇召趨龍闕承恩相虎闈丹成金鼎獻酒至玉杯揮

天仗分旄節胡容間王衣舊壇何處所新廟坐光暉
漢主存仙要淮南愛道機朝上緱氏鶴長向洛城飛
李白元丹丘歌一首

元丹丘愛神仙朝飲潁水之清流暮還高岑之紫烟
三十六峰長周旋長周旋躡星虹身騎飛龍耳生風
橫江跨海與天通我知尔遊心无窮

李白上雲樂一首

金天之西白日所沒康老胡雛生彼月窟巉巖客儀
戍削風骨碧玉炁七雙目瞳黃金拳七兩髻紅華蓋
垂下睫崑丘臨上脣不覩詭譎貌豈知造化神大道

是文康之嚴父元氣又康之老親撫頂弄盤古推車
 轉天輪云見日月初生時鑄冶火精與水銀陽鳥未
 出谷顧兎半藏身女媧戲黃土團作愚下人散在六
 合開濠七若沙塵生死了不盡誰明此胡是仙真西
 海栽若木東溟植扶桑別來幾多昔枝葉萬里長中
 國有七聖半路頽鴻荒陛下應運起龍飛入咸陽赤
 眉立盆子白水興漢光叱咤四海動洪濤為簸揚舉
 足踏紫微天闕自開張老胡感至德東來進仙侶五
 色獅子九苞鳳凰老胡鷄犬鳴舞飛帝鄉淋漓颯沓
 進退成行能胡歌獻漢酒跪雙膝並兩肘散花拍天

舉素手拜龍顏獻聖壽北斗矣南山權天子九九八
 十一萬歲歲歲長頽萬歲益

李白古有所思一首

我思僊人乃在碧海之東隅海寒多天風白波連山
 倒蓬壺長鯨噴湧不可涉撫心茫七泪如珠西來青
 鳥東飛去願寄一封謝麻姑

李白來日大難一首

來日一身携粮負薪長鳴食盡苦口焦唇今日醉飽
 樂過千春僊人相存誘我遠學海凌三山陸懋五岳
 乘龍天飛目瞻兩角授以仙藥金丹滿握螭蛄蒙恩

深愧短促思填東海強銜一木迥重天地軒師廣成
蟬翼九五以求長生下士大笑如蒼蠅聲

元結引極三首○有序

引極興也喻也引之言演極之言盡演意盡物
引興極喻故曰引極

思元極

天曠漭兮杳泱茫氣浩兮色蒼兮上何有兮人不
測積清寥兮成元極彼元極兮靈且異思一見兮藐
難致思不從兮空自傷心悵悒兮意惶懷思假翼兮
鸞鳳乘長風兮止狝揖元氣兮本深實食至和兮求

終日

望仙府

山鑿落兮眇嶽岑雲溶兮木杳兮中何有兮人不
覩遠歆差兮闕仙府彼仙府兮深且幽望一至兮藐
无由望不從兮知如何心混混兮意渾渾和忠假足兮
虎豹超阻絕兮凌趨詣仙府兮從羽人餌五靈兮保
清真

懷潛君

海浩渺兮汨洪溶流蘊兮濤洶兮下何有兮人不
聞深溢漭兮居潛君彼潛君兮聖且神思一見兮藐

無因思不從兮空踟躕心迴迷兮意縈紆思假鱗兮
鯤龍激沈浪兮奔從拜潛君兮索玄寶佩元符兮軌
皇道

元結橘井一首

靈橘无根井有泉世間如夢又千年鄉園不見重歸
鶴姓字今爲第幾仙風冷露壇人情七地閒荒徑草
綿七如何躡得蘇君跡白日霓旌擁上天

道士

張說奉勅撰道家四首

金壇啓曙闢真氣肅微化落月銜仙寶初霞拂羽衣

香隨龍節下雲逐鳳簫飛暫往蓬萊戲千年始一歸

三

窈窕流精觀深沈紫翠庭金奩調七藥寶案讀仙經
作賦看神雨乘槎辯客星祗應謝人俗輕舉託雲輶

三

金爐承道訣玉牒啓元機雲逐笙歌度星流宮殿飛
乘風嬉浩蕩窺月弄光輝唯有三山鶴應同千載歸

四

道記開中錄真官表上清焚香三鳥至鍊藥九仙成
天上靈書下空中妙妓迎迎來出烟霧渺渺戲蓬瀛

沈佺期同工部李侍郎適訪司馬白雲歸天
台一首

紫微降天仙丹地投雲藻上言華頂事中間長生道
華頂居最高大壑朝陽早長生術可妙童顏後天老
清晨朝鳳京靜夜思鴻寶憑崖飲蕙氣過礪摘靈草
人非塚已荒海變田應燥昔嘗遊此郡三霜弄溟島
緒言霞上開機事塵外掃頃來迫世務清曠未云保
崎嶇待漏恩怵惕司言造軒皇重齋拜漢武愛祈禱
順風懷崆峒承露在豐鎬冷然委輕馭復得散幽抱
柱下留伯陽儲闕登四皓聞有叅同契何時共探討

李嶠送司馬先生一首

蓬闕桃源兩處分人間海止不相聞一朝琴裡悲黃
鶴何日山頭望白雲

宋之問寄天台司馬道士一首

卧來生白髮覽鏡忽成絲遠媿飡霞子童顏且自持
舊遊惜踈曠微日尚磷緇不寄西山藥何由東海期
張說寄天台司馬道士一首

世上求真客天台去不還傳聞有仙要夢寐在茲山
朱闕青霞斷瑤堂紫月閑何時枉飛鶴笙吹接人間
崔湜寄天台司馬道士一首

聞有三元客祈仙九轉成人間白雲返天上赤龍迎
尚惜金芝晚仍攀琪樹榮何年緱嶺上一謝洛陽城

孟浩然寄天台道士一首

海上求仙客三山望幾峯焚香宿華頂哀露採靈芝
躡踐莓苔滑將尋汗漫期倘因松子去長與世人辭

杜甫寄司馬山人十二韻一首

關內昔分袂天邊今轉蓬驅馳不可說談咲偶然同
道術曾留意先生早擊家家迎薊子處處識常公
長咲峨眉北潛行玉壘東有時騎猛虎虛室使仙童
髮少何勞白顏衰肯更紅望雲悲轆軻畢景羨冲融

喪亂形仍役淒涼信不通懸旌要路口倚劍短亭中
永作殊方客殘生一老翁相哀骨何換亦遣馭清風

孟浩然山中逢道士雲公一首

春餘草木繁耕種滿田園酌酒聊自勸農夫安與言
忽聞荆山子昔出桃花源採樵過北谷賣藥來西村
村烟日云夕榛路有歸客杖策前相逢依然是疇昔
邂逅歡覲止殷勤叙離隔謂余搏扶桑輕舉振六翮
柰何偶昌運獨見遺草澤旣笑接輿狂仍怜孔丘厄
物情趨勢利吾道貴閒寂偃息西山下門庭罕人跡
何時還清溪從爾煉丹液

李頎送王道士還山一首

嵩陽道士食栢實居處山花對石室心窮伏火陽精
丹口誦淮王方畢術自言神訣不可求我師聞之玄
圃遊出入形庭佩金印承恩赫々如王侯雙峰樹下
曾受業應傳肘後長生法吾聞仙地多後身安知不
是具茨人玉膏清冷瀑泉水白雲溪中日方此從今
不見數十年髣髴顏容只如是先生捨我欲何歸竹
杖黃裳登翠微當有巖前白蝙蝠迎君日暮雙來飛

常建白龍窟泚舟寄天台學道者一首

夕暎翠山深餘暉在龍窟扁舟滄浪意淡々花影沒

西浮入天色南望對雲關因憶苒苒苔峰初陽濯玄髮
泉蘿兩幽映松鶴閒清越碧海瑩子神王膏澤人骨
忽然爲枯木微興遂如兀應寂中有天明心外無物
環迴從所汎夜靜猶不歇澹然意無限身與波上月

張說寄劉道寫一首

真人紫絳氣邀我丹田宮遠寄雙飛鳥七飛不得空
岑參題井陘雙溪李道士所居一首

五粒松花酒雙溪道士家唯求躡却地鄉路莫教賒
賈至送王道士還京一首

一片仙雲入帝鄉數聲秋雁至衡陽借問清都舊花

月豈知遷客泣瀟湘

王勃山居晚眺贈玉道士一首

金壇殊俗宇王洞似仙群花枝栖晚露峰葉度晴雲
斜照移山影迴沙擁籀文琴樽方待興竹樹已迎曛
駱賓王贈道士一首

霧濃金竈靜雲暗玉壇空野花常捧露山葉自吟風
林泉明月在詩酒故人同待余逢石髓從尔命飛鴻

駱賓王秋日餞陸道士陳文林一首○并序

陸道士將遊西輔通莊指浮氣之閑陳文林言
返東吳脩途走落星之浦於是維舟錦水藉蘭

若以開筵綆騎金隄泛榴花於祖道于是赤烟
沈節青女司晨霜鴈銜蘆舉實行而候氣寒蟬
噪柳帶涼序以合情加以山接太行聳羊腸而
飛蓋河通少海䟽馬頰以開瀾登高切送歸之
情臨水感逝川之歎旣而嗟別路之難駐惜離
樽之易傾雖漆園筌蹄已忘言於道術而陟陽
風雨尚杼情於詠歌各賦一言同爲四韻庶幾
別後有暢離憂云尔

青牛遊華岳赤馬走吳宮下柱離鴻怨金壘浮蟻空
日霽嶠陵雨塵起洛陽風唯當玄度月千里與君同

唐詩類苑 卷之十九 道音 十一 楊齊周李
張九齡送楊道士往天台一首

鬼谷還成道天台去學仙行應松子化留與世人傳
此地烟波遠何時羽駕旋當須一把袂城郭共依然

王維送張道士歸山一首

先生何處去王屋訪茅君別婦留丹訣驅鷄入白雲
人間苦雜住天上復離羣當作遼城鶴仙歌使爾聞

孟浩然尋梅道士一首

彭澤先生柳山陰道士鵝我來從所好停策夏陰多
重以觀魚樂因之誦棗歌崔徐迹未朽千載揖清波

許敬宗遊清都觀尋沈道士得清字一首

幽人蹈箕穎方士訪蓬瀛若逢真氣齊契無体名
既詮衆妙理聊暢逡遊情縱心馳貝闕怡神想玉京
或命餘杭酒時聽洛濱笙風衢通閨苑星使下層城
蕙帳晨飈動芝房夕露清方叶栖遲趣於此聽鍾聲

盧照隣贈李榮道士一首

錦節銜天使瓊僊駕羽君投金翠山曲眞壁清江濱
圓洞開丹鼎方壇聚絳雲資貺幽雅識空歌迥易分
風搖十洲影日亂九江文敷誠歸上帝昭應在明君
独有南冠客耿七泣離群遙看八會所真氣晚氤氳

李頎送暨道士還玉清觀一首

仙官有名籍度世吳江濱大道本無我青春長與君
中洲俄已到至理得而聞明主降黃屋昔人看白雲
空山何窈窕三秀日氛氲遂此留書客超遙烟駕分

王維贈焦道士一首

海上遊三島淮南預八公坐知千里外跳向一壺中
踏地朝珠闕行天使玉童飲人聊割酒送客乍分風
天老能行氣吾師不養空謝君徒雀躍无可問鴻濛

奚賈謁李尊師一首

萬物返常性唯道貴自然先生洞玄微隱几為列仙
鍊魄閑瓊戶養毛飛洞天將知道遙久得道無幾年

王維送王尊師歸蜀中一首

大羅天上神仙客濯錦江頭花柳春不為碧鷄稱使
者唯令白鶴報鄉人

李白奉餞高尊師如貴道士傳道錄畢歸北

海一首

道隱不可見靈書藏洞天吾師四萬劫歷世迥相傳
別杖留青竹行歌躡紫烟離心無遠近長在王京懸

王維送方尊師歸嵩山一首

仙官欲往九龍潭毛節朱幡倚石龕山壓天中半天
上洞穿江底出江南瀑布杉松常帶雨夕陽彩翠忽

成嵐借問迎來雙白鶴已曾衡岳送蘇耽

李頎寄焦鍊師一首

得道凡百歲燒丹唯一身
悠七孤峰頂日見三花春
白鶴翠微裡黃精幽澗濱
始知世上客不及山中人
仙境若在夢朝雲如可親
何由覩顏色揮手謝風塵

王維贈東岳焦鍊師一首

先生千歲餘五岳遍曾居
遙識齊侯鼎新過王母廬
不能師孔孟何事問長沮
王管昔來鳳銅盤即釣魚
竦身空裡語明日夜中書
自有還丹術昔論太素初
頻蒙露版詔時降軟輪車
山靜泉逾響松高枝轉踈

支頎問樵客世上復何如

儲光羲貽韋鍊師一首

精思莫知日意靜如空虛
三鳥自來去九光遙卷舒
彩地近天井玉宇停雲車
余亦尋山路洗心祈道書

李白送方士趙叟之東平一首

長桑晚洞視五藏無全牛
趙叟得秘訣還從方士遊
西過獲麟臺爲我吊孔丘
念別復懷古潸然空淚流

李白送李青婦南華陽川一首

伯陽仙家子容色如青春
日月秘靈洞雲霞辭世人
化心養精魄隱几窅天真
莫作千年別歸來城郭新

安道士

李白贈嵩山焦鍊師一首○并序

嵩山有神人焦鍊師者不知何許婦人也又云
生於齊梁時其號可稱五六十常貽息絕穀居
少室廬遊行若飛倏忽萬里世或傳其入東海
登蓬萊竟不能測其往也余訪道少室盡登三
十六峰聞風有寄酒翰遙贈

二室凌青天三花含紫烟中有蓬海客死疑麻姑仙
道在喧草染跡高想已綿時冷金鵝藥屢讀古臺篇
八極恣遊燕九垓長周旋下瓢酌潁水舞鶴來伊川

還歸空山上獨拂秋霞眠蘿月桂朝鏡松風鳴夜絃
潛光隱嵩嶽鍊魄接雲握霓衣何飄七風吹轉綿邈
願同西王母下願東方朔紫書倘可傳銘骨誓相學

駱賓王代女道士王灵妃贈道士李榮一首

玄都五府風塵絕碧海三山波浪深桃實千年非易
得桑田幾變已難尋別有仙孃對三市金闕銀宮相
向起基前鏡影伴僊娥樓上簫聲隨鳳史鳳樓迢遞
絕塵埃鸞時物色正徘徊灵芝紫檢參差長仙桂丹
花重疊開雙童綽約時遊陟三鳥聯翩報消息盡言
真侶出遨遊傳道風光無限極輕花委砌若裾香殘

月窺窻覘黃色箇時无数併妖妍箇裡无窮總可憐
別有衆中稱出帝天上人間少流例洛濱僊駕啓遙
源淮浦灵津苻遠筮自言少小慕幽玄只言容易得
神仙佩中邀勒經時序簫裡尋思復幾年尋思許事
真情變二八容華識少選漫道燒丹止七飛空傳化
骨曾三轉寄語天上弄機人寄語河邊值查客乍可
匆七共百年誰使遙七期七夕相知人意自相尋果
得深心共一心一心一意无窮已投漆投膠非足擬
知將羞澁當風流特此相憐保終始相隣相念共相
親一生一代一隻人不把丹心比玄石惟將濁水况

清塵只言柱下留期信好欲將心學松薜不能京兆
畫蛾眉翻向城都騁騶引青牛紫氣度灵關尺素絕
鱗去不還連苔上砌无窮綠修竹臨壇幾處班此昔
空床難獨守此日別離那可久梅花如雪柳如絲年
去年未不自時初言寒在寒徧在何誤春來春更思
春皆物色无端緒雙枕孤眠誰分許分念嬌鶯一種
啼生憎燕子千般語朝雲旭日照青樓暉暉麗色滿
皇州落花泛七浮灵沼垂柳長七拂御溝御溝大道
多奇賞俠客妖容迺來徃寶駟連花鐵作鞭杏輪鶯
水珠爲網香輪寶騎竟繁華可憐今夜宿娼家鸚鵡

唐詩卷之七九道部
十七
杯中浮竹葉，鳳凰琴裡落梅花。許輩多情偏送款，爲
問春花幾時滿。千回鳥信說衆諸，百過鶯啼說長短。
長短衆諸判不尋，千回百過良關心。何曾舉意西隣
王，未肯留情南陌金。南陌西鄰成自保，還纒歸期須
及早。爲想三秦狹斜路，莫思九折空關道。假令白里
似長安，須使青牛學劍端。蘋風入馭來，應易竹杖乘
龍去。不雜龍駝去，七無消息鸞鏡朝。七城容已君心
不記下，山人妾欲空。期上林翼下林，三月鴻欲稀。華
表千年鶴未歸，不分淹留乘路約。祇應直取桂輪飛。

李白送內尋廬山女道士李騰空二首

君尋騰空子，應到碧山家。水春雲母碓，風掃石楠花。
若恋幽壑好，相邀弄紫霞。

多君相門女，學道愛神仙。素手掬青藹，羅衣曳紫烟。
一往屏風疊，乘鸞着玉鞭。

大還

李白草創大還贈柳官迪一首

天地爲橐籥，周流行大易。造化育元符，交媾騰精魄。
自然成妙用，孰知其止的。羅落四季間，綿微一無隙。
日月更出沒，雙光豈云隻。姹女乘河車，黃金充轆轤。
執樞相管轄，摧伏傷羽翮。朱鳥張炎威，白虎守本宅。

相煎成苦老消鑠凝津液髣髴明窓塵死灰同至寂
擣冶入赤色十二周律曆赫然成大還與道本無隔
白日可撫弄清都在咫尺北酆落死名南斗上生籍
抑予是何者身在方士格才術信縱橫世途自隕擲
吾求仙棄俗君曉損勝益不向金闕遊思為玉皇客
鸞車速風電龍騎無鞭策一舉上九天相携同所適

訪道

李白訪道安陵遇蓋還為余造真籙臨別晉
贈一首

清水見白石仙人識青童安陵蓋夫子十歲與天通

懸河與微言談論安可窮能命二千石撫背驚神聰
揮毫贈新詩高價掩山東至今平原客感激慕清風
學道北海仙傳書藥珠宮丹田了玉闕白日思雲空
為我草真籙天人慙妙工七元洞豁落八角輝星虹
三灾蕩璇璣蛟龍翼微躬舉首謝天地虛無齊始終
黃金滿高堂苔荷雜克克下笑世上事沈魂比羅酆
昔日萬乘墳今成一科蓬贈言若可重實此輕華嵩

問易

王昌齡就道士問周易參同契一首

仙人騎白鹿髮短耳何長時余採菖蒲忽見嵩之陽

稽首求丹經迺出懷中方披讀了不悟歸家問嵇康
嗟余无道骨發我入太行

王昌齡武陵龍興觀黃道士房問易因題一
首

齋心問易太陽宮捌卦真形一氣中仙老言余鶴飛
去玉清壇上雨濛濛

投龍

宋之問送田道士使蜀投龍一首

風馭忽泠然雲臺路幾千蜀門峰勢斷巴字水形連
人隔壺中地龍遊洞裏天贈言迴馭日圖畫彼山川

真簡

玄宗送趙法師還蜀因名山真簡一首

趙家真灵簡自昔迎神仙真子迎將命蒼生福可傳
江山尋故國城郭信依然太室邀相望雲迴洞裏天

道場

沈佺期再入道場紀事應制一首

南方歸去再生天內殿今年異昔年見闢乾坤新定
位看題日月更高懸行隨香輦登仙路坐近爐烟講
法筵自喜恩深陪侍從兩朝長在聖人前

丹竈

李白題雍丘崔明府卅竈一首

美人爲政本忘機服藥求僊事不違
葉縣已泥丹竈畢瀛州當伴赤松歸
先師有訣神將助大聖无心火自飛
九轉還能生羽翼隻鳧忽去定何依

唐詩類苑第七十九卷終

